



Universitätsbibliothek Paderborn

**Vademecum Sive Praxis Opera Quotidiana Aliaque ritè
peragendi, & per ea salutem& perfectionem propriam, ac
proximi, instituto Societatis Jesu conformem assequendi**

Limpens, Ferdinand

Coloniæ Agrippinæ, 1744

Dos Secunda, Omnia fortiter exequenda.

[urn:nbn:de:hbz:466:1-54750](#)

que aut nullius, aut exigui apud DEUM meriti
apud proximum fructus.

DOS SECUNDAS,

Omnia fortiter exequendas.

Secunda proprietas, & Divinæ Sapientiæ, & Christi Salvatoris est, quod fortiter adhibuerit media, quæ prævisa erant pro fine suo consequendo maximè congrua & efficacia, omnique ea in opus redegerit, quæ consideratio prævia dictaverat esse facienda. Et hæc fortitudo ac constantia est *anima* cujuslibet actionis Apostolicæ, sive qua, quidquid etiam ad gloriam DEI, proximique salutem suscipitur, languet, & vel ex ignavò quodam torpore animi opus inchoatum relinquuntur, vel ad aliud ex prioris fastidio transilitur. Tales imbelles Apostoli dantur multi. Nolim ego tibi inculcare fortitudinem Christi à te non imitabilem, v. g. quomodo converterit mundum per piscatores, homines rudes, illiteratos, quomodo per miracula totque invictos pugiles, per puellas puerisque debiles suâ gratiâ confortatos, Reges & Principes, orbemque universum belluarum potius, quam hominum moribus imbutum, jugo suo subjicerit, coegeritque, ut venerandum JESU Nomen adorent cœlestes, terrestres, & infernales Potentiae. Ecce fortitudinem, quam in vocatione tua Apostolica imiteris. Vicit ille occurrentia, ex agrestibus Discipulorum suorum

rum moribus, incredulitate, obstinatione, aliisque tædia; Populum Judaicum non credentem, & continuò contradicentem novis semper doctrinis instruxit, veritatem, nullo respectu humano habito, prædicavit, nulli labori, nulli ærumnæ in fame, siti, frigore, aliisque incommodis pepercit, nulli adversitati, contradictioni, persecutioni cessit, propriam demum vitam suam & sanguinem immolavit, tam infanda in passione ac morte sua passus, ut scilicet exequeretur illa, quæ ad salutem humani generis necessaria aut utilia esse præviè cognoverat. Et hanc fortitudinem Christi, ut pro modulo tuo Vir Apostolice imiteris, necessum est. Non imitaris autem: & cur? fatere, quod res est. Animi tui languor, & in exequendis mediis ad salutem proximi necessariis vel proficiis, tegnies ac inconstantia provenit à natura tua corrupta. Quæ, quia in eorum executione sua comoda non invenit, quia fomenta sensualitati subservientia non accipit, quia laude applaususque hominum non excitatur, nec liberali benignitate Superiorum, quam deberi sibi putat, animatur: sed potius pro bono malum, pro gratiis ingratias recipit, imò & varia tædia, persecutes, maledicta sufferre debet; subitò quasi viribus omnibus destituta concidit, & manum aratro Apostolico applicatam retrahit. O imbellis miles! quis tibi de tantis animis, de tam prodigiosa perfectione post tot in Religione transactos annos gratulabitur? nisi niger ille genius, qui à tempore, quo esse cœperas, tibi ad-

adstitit, & ad ultimum vitæ terminum aderit,
& statim post mortem coram Christo Judice
ignaviam tibi tuam exprobratus est. Hiccine
est spiritus S. P. N. & Confratrum tuorum jam à
duobus sæculis? qui sudore & sanguine suo qua-
tuor orbis partes irrigârunt. Quid dicent ad
hæc Connovitii Collegæ tui? quibuscum tot
annis vixisti? qui jam cum ad sanguinis usque ef-
fusionem, incarcerationem, omnis generis in-
commodorum, ludibriorum, tormentorum
tolerantiam, læti & alacres Ducis sui Domini
nostrí JESU Christi vestigiis pro animabus lucran-
dis insistunt. Sed hem! sicut S. Thomas Aqui-
nas, SS. nostri Aloysius ac Stanislaus singulare
habuerunt privilegium Angelicæ puritatis, ut
carnis stimulus non amplius sentirent; ità tu
fors privilegium habes, vel tibi arrogas, ut
commidis naturæ tuæ semper satisfiat, labores
tædia, contradictiones, adversitates non susti-
neas, in cùlcitra variæ sensualitatis quietè con-
sidens, & nihilominus magnus sis Apostolus.
Scio, sarcasmus iste non sapit. Ergo dic mihi,
ubi sunt lumina, quæ habuisti? proposita, quæ
fecisti jam à Noviciatu usque huc in tot medita-
tionibus, atque spiritualibus exercitiis? si alias
viva imaginatio Christi fortiter pro salute homi-
num dimicantis tibi dictavit, nil debere videri
arduum, quod pro animabus DEO lucrando
exantlatur. Cur renuis ejusmodi denuò vivaci
impressione torpente excitare spiritum? anti-
mes, ne nimiū pro cœlo, pro DEI gloria
pro animarum pretioso JESU Christi sanguine ro-

dem

demptatum salute agas: aut nimiam in Virum Apostolicum cadentem perfectionem assequaris? an putas, te hâc ignaviâ gloriosum fore in extremo judicii die spectaculum coram DEO, Angelis & hominibus? an solatium te exinde habitum speras in agone, in ultimo mortis articulo, immò totâ retrò æternitate? tu ad tam sublime vitæ genus vocate, tot gratiis hunc in finem à benefica DEI manu cumulate? ô insensate! quis te fascinavit ante oculos Capitanei tui pro te crucifixi? ut, cum primis Religionis annis, ac in primo fervore non timetes manum Tyranni gladium terribiliter vibrantis; nunc turberis ad folium verbi volantis, & ob minimam incommoditatem, aut occurrens tedium animum despondeas. Absit, Domine JESU Dux & Salvator mi, non sic transigentur residui dies vitæ meæ. Nil aggrediar ex præcipite, & male consulo impetu, discutiam diligenter & præmeditatè media in ordine ad fines vocationis meæ maximè congrua ac salutaria, eadémque fortiter exequar, occurrentes perrumpam difficultates, & hoc, quod mihi circa salutem ac perfectionem proximi procurandam sancta obedientia in hoc, illo loco, hoc, illo tempore, assignabit officium, frendente in vanum diabolo, adimplebo strenue. In meditatione meæ exardescet ignis, in eâ fortissimis me armabo motivis, ut in aciem veniens pedem non retraham; sed attingens à fine usque ad finem omnia fortiter ad ultimum vitæ halitum dimicabo, nec in transversum rapiet me indignum illud quo-
run-

rundam Sensualistarum principium ; quod (si equi duo non jungantur currui , & præter motivum supernaturale ad laborandum impellens, non adsit temporale, fomenta scilicet) detestandum sit onus , quod imponitur, Videant illi , ad quos attinet, quid in ordine ad vires laborantium refocillandas aut confortandas conducat : ego , qui necdum vibices , stigmata, vulnera Duciis mei JESU Christi in corpore meo porto , &, prô dolor ! tam parùm hactenus pro DEI gloria & animarum salute pertuli , imposterum saltem sciām abundare , & penuriam pati , exuam imbellem nimis ac sensualem genium, nec degenerabo à præcelsis cogitationibus filiorum DEI,

DOS TERTIA.

*Fortitudini in exequendo jungenda
suavitas.*

Tertia proprietas Divinæ Sapientiæ & Christi Archistrategi nostri est, quod fortitudini in exequendis necessariis ad salutem hominum mediis adjunxerit mansuetudinem , adeoque e certius ac constantius finem intentum obtinuerit, Nihil est magis in Viro Apostolico , pro reducendis hominibus in viam salutis & perfectionis necessarium , quam solidus ac stabilis in eorum animos dominatus. Hic autem nullatenus, cum nullum violentum sit perpetuum , acquiri potest à viro utcunque generoso ac forti, nisi

per